



Inatsisartunut ilaasortaq
Karl Tobiassen, Siumut
/Uani

**Inatsisartut suleriaasianni § 37 imm. 1 naapertorlugu Naalakkersuisunut
apeqqutit nr. 186-2021 Karrat kangerluani qaqqat
nakkaaratarsinnaanerinit tunngasut pillugit akissuteqaatit**

Asasara Karl Tobiassen

Inatsisartut suleriaasianni § 37 stk. 1 naapertorlugu Naalakkersuisunut Karrat
kangerluanni qaqqat nakkaaratarsinnaanerinit tunngasumik
apeqquteqarsimavutit. Apeqquteqaatit uannit akissuteqaatigineqarnissaat
innersuussutaapput.

**1. Karrat kangerluani qaqqat nakkaaratarsinnaasut eqqarsaatigalugit
Naalakkersuisut nutaarsiassanik massakkumut nutaanik qanoq
ilisimasaqarpat?**

a. Taamaappat, taakkua suuppat?

Akissut: Aatsitassanut Inatsisillu Atuutsinneqarnerannut
Naalakkersuisoqarfimmit akissuteqaatinut paasissutissat
pissarsiarineqarsimapput, taakunangalu paasissutissat ataani taakkartorneqartut
ilisimatitsissutigineqarsimapput:

*”Maannamut Karrat kangerluani qaqqat nakkaaratarsinnaanerinit aarlerinaatit
pillugit paasissutissat GEUS-nalunaarutaanit kingullermit 29. marts 2021-
imeersaq Uummannap kangerluani qaqqat nakkaaratarsinnaanerinit
tassaarsuaqarsinnaanermullu aallerinaataasunut tunngasut tunngavigineqarput.*

*Naliliineq tassaavoq Karrat nalaanni aarlerinaateqarsinnaasut 1, 2 aamma 3
annertuumik qaqqat nakkaaratarsinnaanerinit aarlerinaateqangaatsiarnerat
allannguuteqarsimangitsoq, taamaasillunilu tassaarsuaqariataarsinnaaneranut
aarlerinaatit allannguuteqartinneqaratik aamma annertooujussuullutik”.*

Allakkiaq: 29-12-2021
Suliap normua.: 2021 - 22339
Akt-id: 18786157

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

2. Karrat 3 misissuiffigineqarsimappat Naalackersuisut qanoq ittunik paasissutissaateqarpat?

Akissut:

Aatsitassanut Inatsisillu Atuutsinneqarnerannut Naalackersuisoqarfimmit akissuteqaatinut paasissutissat pissarsiarineqarsimapput, taakunangalu paasissutissat ataani taakkartorneqartut ilisimatitsissutigineqarsimapput:

”GEUS-imit ujarassiuut 2021 aasaagaa Karrat 3-mut pisullutik ornigussimapput tassanilu Karrat 3-mut nunap sajorataarsinnaaneranut uuttuutit pingasut kiisalu GPS-stationit arfinillit Karrat 3-mi nikittoqaratarsinnaanerani paasissutissanik katersisussatut ikkussorneqarsimapput.

Aatsitassanut Inatsisinullu Atuutsinneqarnerannut Naalackersuisoqarfiup iluani Ujarassiornermut immikkoortortaqaarfik 2021 juli kingorna Karrat 3-mi nakkutilliinermik kiisalu siusinaarluni kalerrisaarinissamut siumoorluni misissuineramik suliaqarsimapput.

Naalackersuisut 2022-mi konto pingaarnermit 20.10.35-mit Ingerlatsinermit kingoraartissanut tunngatillugu nakkutilliinermi atortorissaarutininik pilersitsinerup iluani 4.400.000 kr.-inik illikartitsinissaq sulissutigaat.”

3. Ukiuni tulluuttuni naatsorsuutigissavarput Uummannap eqqaaniik piffinnut ulorianartorsiorfiunngitsunut nutsertitsineq Naalackersuisut ingerlatiinnassagaat?

Akissut: Ineqarnermut Attaveqaasersuutinullu Naalackersuisoqarfimmit akissuteqaatinut paasissutissat pissarsiarineqarsimapput, taakunangalu paasissutissat ataani taakkartorneqartut ilisimatitsissutigineqarsimapput:

”Naalackersuisut maanna ussasaarinikkut paasissutissiisoqarnissaanik pilersaarusiiorput, tassani innuttaasut piffinni aarlerinartorsiorfiusuni toqqissisimanarnerusumut nuunnissamut periarfissaqarnerup ilisimasaaqarfignilernissaa pillugu paasissutissiissutigineqassalluni.

Aningaasanut inatsimmi 2022-imut aamma 2023-imut aningaasartuutissat missingersuuteqarfigineranut konto pingaarnermit 20.10.35-imit Immikkut ittumik Karrat kangerluani suliniutinut tunngasunit aningaasanik illikartitsisoqarsimavoq – tassani Karrat kangerluani tassaarsuaqarsinnaaneranut aarlerinartorsiorluni najugaqarfimmut allamut nuussinnaanermut tapiissuteqarnissamut periarfissiinissaq siunertarineqarluni. Matumani erseqqissaatigineqassaaq nuunnissamut aalajangiinerit illoqutigiinni ataasiakkaani nammineq aalajangiiffigineqassammata, tamannalu Naalackersuisunit aalajangiiffigineqassanani.”

4. Upernaaq Uummannami Naalackersuisut paasissutissiiartornerminni neriorsuutaat Illorsuit Nuugaatsiallu qanitaani Tele-p (tusass) Mobilinut attaveqaataasa atuutileqqinnissaanik piaartumik attaveqaasernissaat suliaq sumut killippa?

Akissut: Ineqarnermut Attaveqaasersuutinullu Naalackersuisoqarfimmit akissuteqaatinut paasissutissat pissarsiarineqarsimapput, taakunannгалу paasissutissat ataani taakkartorneqartut ilisimatitsissutigineqarsimapput:

"Illorsuit kiisalu Nungaatsiap qanittuani qarasaasiat angallattakkat attavilerneqaqqinnissaat Naalackersuisunit aalajangiiffigineqarsimannгilaq.

Oqarasuaatit angallattakkat attavilerneqarnissaat Tusass 'ip akisussaaffigaa. Tassani naliginnaasumik pisussaaffiusoq malillugu pilersuinissamut akuersissut aallaavigalugu Tusass 'ip piffiit najugaqarfiusut isumaginissaat pisussaaffinnut ilaaginnarpoq. Tusass imaani nunamilu killeqanngitsumik isorartussusilinni oqarasuaatinut angallattakkanut attaviliissalluni pisussaataitaannгilaq. Taamaasilluni Tusass Illorsuit aamma Nuugaatsiap qanittuani oqarasuaatinut angallattakkanut attaviliissalluni pisussaataitaannгilaq.

2018-imili Tusass 'imit ilisimatitsissutigineqareersimavoq Illorsuit aamma Nuugaatsiap eqqaani tunngaviusumik sakkortusaaviit nunaqarfiit nukissiorfiinut pilersuinerup unereersimanerisa kinguneranik kiisalu nunaqarfiit Tusass Kalaallit Nunaat tamakkerlugu 4G-mik piviusunngorsaananeranut ilaasimannгinnerat peqqutaalluni atuutsileqqinneqarsinnaannгitsut. Tamanna allannгortinneqarsimannгilaq.

Tamakkiisumik isigalugu angallatillit oqarasuaatinik angallattakkanik taamaallaat atuinerat piviusorsiorpalaannгilaq, matumani VHF-radio attaveqaatit atussallugu pitsaanerummat, kiisalu umiarsuarnut sinerissamilu radioqarfinnut VHF-attaveqaateqarnermut napparutit aqutigalugit attaveqarsinnaalluni. Taamaattumik Naalackersuisunit aalisartut allallu imaani angalaartut imartami sumiikkaluaraannihuunniit VHF-radiomik atuinissaat naatsorsuutigineqarpoq."

5. Qaqugulu attaveqalissappat?

Akissut: Apeqqut 4-mut akissut takuuk.

6. Illorsuit inuisa uteqqissinnaanerannut tunngasumik Naalackersuisut suliaqarpat?

Akissut: Apeqqut 1-mut akissuteqaammi allaaserineqareersutut naliliineq tassaavoq qaqpat nakkaariataarsinnaanerini tassaarsuaqarsinnaaneranut aarlerinaatit allannгorsimannгimmata sulilu annertuumik aarlerinaateqartinneqarlutik. Taamaattumik Illorsuarnut nooqqinnissamut

atatillugu aarlerinaat suli aamma allanngorsimanngilaq, Naalakkersuisullu tamanna pillugu nooqqinnissamut suliniummik aallartitsisimanatik.

7. Avannaata Kommunia suleqatigalugu suliffeqarfiit tassaarsuaqarpat iliuusissatut pilersaarutit Upalungaarsimanermut isumaginnittut peqatigalugit suliarineqarnikuuppat?

Akissut: Upalungaarsimanermut pilersaarutit suliffeqarfiit namminneq suliarissallugit akisussaaffigaat. Nunalerinermut, Imminut pilersornermut, Nukissiutinut Avatangiisinullu Naalakkersuisoqarfik suliffeqarfinnut suleriutsip siunnersuiffigineranut atatillugu ataatsimiinnernut peqataasimavoq.

8. Tassaarsuaqarnissaanut aarlerisaarinermit tunngatillugu aarlerinarneranut qanoq ittunik paasissutissanik nutaanik peqartoqarpat?

Akissut: Maannamut apeqqut 1-mut akissuteqaammut innersuussutigineqarpoq. Link una aamma takuuk:
https://naalakkersuisut.gl/da/Naalakkersuisut/Nyheder/2021/05/1105_karrat

9. Tassaarsuaqanissaanik aarlerisaarinerup kingorna nuuttoqarsinnaaneramik periarfissiinerup kingorna ilaqutariit qassit periarfissamik tamatuminnga atuillutik nuuppat?

Akissut:
Ineqarnermut Attaveqaasersuutinullu Naalakkersuisoqarfimmit akissuteqaatinut paasissutissat pissarsiarineqarsimapput, taakunanngalu paasissutissat ataani taakkartorneqartut ilisimatitsissutigineqarsimapput:

”Ineqarnermut Attaveqaasersuutinullu Naalakkersuisoqarfik INI A/S-imit paasissutissanik pissarsisimavoq. INI-mit ilisimatitsissutigineqarpoq 17. decemberi illoqatigiit 22-it tassaarsuaqarnissaanut aarlerinaatit pillugit nuunnissamik noqqaassuteqarlutik saaffiginnissuteqarsimasut allamillu inimik tunineqarsimallutik. Inoqutigiit 10-t ininut neqeroorutigineqartunut akuersisimapput nuussimalerlutillu. INI-p nalunaaruteqarnera malillugu inersimasut 14-t kiisalu meeqqat 11-t taakkunani qulini najugaqarput. Inoqutigiit 5-t ininut kissaatigisaminnut nuunnissamut utaqqipput. Taakkunani inersimasut 10-pput meeqqallu pingasut.”

10. Inersimasut qassiuppat?

Akissut: Apeqqut 9-mut akissut takuuk.

11. Meeqallu Qassiuppat?

Akissut: Apeqqut 9-mut akissut takuuk.

Inussiarnersumik inuulluaqqusillunga



Kalistat Lund

Inatsisartut suleriaasianni § 37 imm. 1 naappertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. **Karrat kangerluani qaqqat nakkaaratarsinnaasut eqqarsaatigalugit Naalakkersuisut nutaarsiassanik massakkumut nutaanik qanoq ilisimasaqarpat?**
 - a. **Taamaappat, taakkua suuppat?**
2. **Karrat 3 misissuiffigineqarsimappat Naalakkersuisut qanoq itturnik paasissutissaateqarpat?**
3. **Ukiuni tulliuuttuni naatsorsuutigissavarput Uummannap eqqaaniik piffinnut ulorianartorsiorfiunngitsunut nutsertitsineq Naalakkersuisut ingerlatiinnassagaat?**
4. **Upernaaq Uummannami Naalakkersuisut paasissutissiiartornerminni neriorsuutaat Illorsuit Nuugaatsiallu qanitaani Tele-p (tusass) Mobilinut attaveqaataasa atuutileqqinnissaanik piaartumik attaveqaasernissaat suliaq sumut killippa?**
5. **Qaqugulu attaveqalissappat?**
6. **Illorsuit inuisa uteqqissinnaanerannut tunngasumik Naalakkersuisut suliaqarpat?**
7. **Avannaata Kommunia suleqatigalugu suliffeqarfiit tassaarsuaqarpat iliuusissatut pilersaarutit Upalungaarsimanermit isumaginnittut peqatigalugit suliarineqarnikuuppat?**
8. **Tassaarsuaqarnissaanut aarlerisaarinermit tunngatillugu aarlerinarneranut qanoq itturnik paasissutissanik nutaanik peqartoqarpat?**
9. **Tassaarsuaqanissaanik aarlerisaarinerup kingorna nuuttoqarsinnaaneramik periarfissiinerup kingorna ilaqutariit qassit periarfissamik tamatumingga atuillutik nuuppat?**
10. **Inersimasut qassiuppat?**
11. **Meeqallu Qassiuppat?**

(Inatsisartunut ilaasortaq Karl Tobiassen, Siumut)

Tunngavilersuutit:

Tassaarsuaqarsinnaaneranut tunngatillugu upernaq paasissutissiinerup kingorna, aammalu aasaq nutsertinniarnermut tukattumik suliat eqqarsaatigalugit Naalakkersuisut massakkumut iliuutsinik periutsinillu tingussaasunik innuttaasunut matoqqalluinnarnerat toqqissisimananngimmat.

Aammalu Uummannami paasissutissiilluni ataatsimiisitsinermi Naalakkersuisut tusass-ip attaveqaataasa atoqqilersinnaanerannik neriorsuutertik qanoq sumullu killinnersoq



paaserusunnarsimmat. Attaveqaatimmi atoqqilersinnaappata angallannerup nalaani pissappat inoqarfinnut nalunaarasuarsinnaanermut isumalluutaalluinnartussaammata.

Ukiugaluarpat, aasakkullu aalisartunit piffik najorneqartuurtuummat pisariaqarluinnarpoq attaveqaatit atorneqarsinnaalernissaanik sulianik ingerlatsisoqarnissaa.

Aammalu naviasaarisooqaraluartoq aasaanera tamaat aalisartunit ilaqtariinnillu angallattunit inuerutinngisaannangajammat.

Taamaammat pisariaqartippara apeqquteqaatika Naalackersuisunit sukumiisumik akissuteqarfigineqarnissaat. Apeqqutit akineqarnissaat ullut suliffiusut qulit iluini kissaatigaara.